

罪  
惟  
錄



罪惟錄志卷之七

禮志總論

吳元年令百官禮儀俱尚左與古殊而色尊緒仍不許民間擅用純黃其用夏時正也國號明仍龍鳳原稱不忘所自以小明別之後人意矣歷朝一帝一元自唐高祖太宗外不多見但永樂天順正德天啓等號昔偏安竊據曾稱之惜諸儒臣不察為一失涼張重華五代張遇賢宋方天八用天順夏崇宗李乾順用正德若天順為英廟更始天完徐壽輝用天啟日本用永曆年順德又為逆濠竊命之號得失異顧不免移情符讖為後世備洪武元年輒命中書省暨翰林院太常寺定擬

禮未幾以京師猶習元俗盛行禁止有曰爾禮部斟酌王之典復中國舊於是陶安定郊社羣祀禮詹同定宗廟禘祭禮李善長定官民喪禮朱升定祭祀齋戒禮崔亮定祀禮劉基定百官朝會禮魏觀定祀祭禮陶凱定軍禮又曾魯徐董彞梁寅輩編輯大明集禮顧明之難於歷代者有二漢初不識字而已無幕北之流染難化也唐以下義主修復不煩更張明則洗濯為勤矣記云禮失而求之野明當禮樂崩壞百餘年後諸尚節之士猶多臧影泉石自是其高曾所守以不見諸侯為義使非超軼輓代抑心三古致近訪恐後海內寧知有揖讓二三傳後衣

服言語猶煩屬禁則爾時野之可求者幾如難之矣贊呼  
喜謙迴鑿示戒叱女梁而垂祖訓誅僭犯而序孝慈趙王之  
不見廢建庶人之獲赦景帝之追謚錢太后之必祔塋是  
皆因心作則卓有古意然相沿以往兩宮尊謚俱以孝稱  
疑於匹嫡而朝踐祚並從奪例竟至無年五服親盡而藩  
支爵祿尚踰八代五兵並用而大臣唯諾獨制諸違官官  
以近侍府部事無考成丞相以僭逆竟至革除權紛  
諫議道士稱神樂觀右儒而參異端開國有朝天戶創制  
而沿勝國萬壽千秋並賀起于構臣東宮祖妃出繼猶親  
奉於迺尊太后此皆制作之未能盡善者也至于景帝之

免望朝功在社稷似未能示於心世廟之尊獻考禮極尊  
親而不即止于義則又失禮之大者矣雖然文教幸彰諸  
儒輩出荒服而外興立學校重譚子弟願就太學者教國  
朝鮮之應內試得雋者三人皆往代所不易得蓋郁乎  
其文之矣而卒也以文失之記洪武十七年之諭禮樂者  
治平之膏梁政刑者救弊之藥石因思後世無不稱魯西  
生不就漢為高夫因時制宜斯須不去何待百年如太祖  
取云且直追三代矣

禮志

朝賀燕饗

附官民諸儀

洪武元年春正月大宴羣臣于奉天殿  
官三品以上升殿餘悉立丹墀宴罷上諭羣臣憂勤至

意

冬十月命禮臣定正旦朝會儀更定山呼  
二年春正月朔仍山呼故事朝

上初以萬歲字樣頌美虛詞改山呼為贊呼初曰願君  
有道再曰天下和平下羣臣議之初贊為聖躬萬福次  
天輔有德次海宇咸寧詔可已禮部尚書奏喧嘩不敬





復斟酌繁減。定為中制。頒示天下。載會典

凡正旦冬至前一日。尚寶司陳御座於奉天殿。列寶案御座東。設香案丹陛之南。教坊司設中和韶樂于殿東西北向。錦衣衛陳鹵簿儀仗于丹陛及丹墀之東西。亦列車輅步輦。設明扇於殿內之東西。鳴鞭四人丹墀北向。教坊司設大樂於丹陛之東西。北向。儀禮司設同文玉帛案于丹陛之東。金吾衛列護衛官於殿內及丹陛之東西。陳甲士于午門外。奉天門外。及丹墀東西。分列將軍自丹陛丹墀至門外。列旗幟於奉天門外。典牧官列仗馬犀象于文武樓南。欽天監設司晨郎報時位于

內道東、近北立。列糾儀、御史二于丹墀北、東西。內贊于  
殿內、外贊于丹墀、各二人、東西向。傳制宣表官、分列殿  
內、鼓初嚴、文武班列午門外、鼓次嚴、引禮官、引文武兩  
掖門、丹墀東西、北向。鼓三嚴、執事官詣華蓋殿門候駕。  
內官奏皇帝袞冕附座、鍾聲止、儀禮官奏各執事官行  
禮贊五拜、禮畢、贊供事執事官各就位、儀禮官奏陞殿。  
駕輿、詔樂奏聖安之曲、尚寶司捧寶前行、導駕官前導。  
扇開、簾捲、尚寶官置寶于案、樂止、鳴鞭者三、報時、鷄唱。  
曉、外贊唱排班、齊贊禮、唱鞠躬、大樂作、贊四拜、平身。  
樂止、典儀唱進表、大樂作、二給事中詣同文案前、導引。

序班舉案由東中門入至殿中樂止內贊唱宣表目宣表  
目官跪宣訖俯伏興唱宣表展表官取表宣表官至簾  
前外贊唱衆官皆跪宣表訖內外皆唱俯伏興平身序  
班即舉表案於殿東外贊唱衆官皆跪代致詞官跪於  
丹陛中致詞云具官臣某等茲遇正旦則云三陽交泰  
萬物咸新冬至則云  
律應黃鐘  
日常長至恭惟皇帝陛下膺乾納祐奉天永昌外贊唱  
衆官俯伏興大樂作四拜興平身樂止傳制官詣御前  
跪奏傳制俯伏興由東門靠東出至丹陛之東西向立  
稱有制贊禮唱跪百官皆跪宣制正旦云履端之慶  
冬至云履長之慶興  
卿等同之贊禮唱俯伏興平身樂止贊播笏鞠躬三舞蹈

贊跪唱山呼、百官拱手加額曰萬歲、唱山呼曰萬歲、唱  
再山呼曰萬歲、凡呼萬歲、樂工軍校齊聲應之、贊出  
笏俯伏興、大樂作、贊回拜、平身、樂止、儀注云、官跪奏禮  
畢、中和樂作、奏定安之曲、駕興、尚室官捧室、導駕官前  
導、至華蓋殿、樂止、引禮官引百官以次出、

嘉靖中、更定朝儀、宝座預設奉天殿、

後改皇極殿

宝座之東、

鴻臚寺設表案二于殿東中門外、禮部主客司設蕃國

貢方物案于丹陛中道左右、案凡八、欽天監設定時鼓

于文樓之上、設中和樂、大樂、如前儀、鹵簿、車輦、朋扇、甲

士、旗幟、具如前儀、旗手衛增設金鼓于午門外、御馬監

設仗馬錦衣衛設馴象于文武樓南東西向欽天監設  
報時位於丹陛之東百官候鼓序立丹墀如前儀欽天  
監司晨即立于文樓下西向將軍六于殿內北向四于丹  
陛四隅東西向護衛官二十四于丹陛之南復于丹陛  
之北陳設方物司賓署丞二徹方物案序班十六于丹  
陛中道左右外贊鴻臚寺鳴贊等官十二于丹陛及丹  
墀東西糾儀御史十二于丹墀東西殿前侍班錦衣千  
戶六光祿寺署官四序班二傳呼鳴鞭錦衣百戶四俱  
于殿中門外東西向導表都給事中二序班于表案左  
右掌領侍衛官三于殿內東西向錦衣衛正直指揮一

于簾右東向百戶二于簾下左右向搭簾畢鼓三嚴執

趨出殿

事禮部堂上官并內贊鳴贊一并舉表案序班五典儀署丞

一捧表儀制司官四展表六部都通大堂上官二宣表致

詞并傳制鴻臚堂上官五捧室尚室司官二導駕給事中

十殿內侍班翰林院官四中書官四糾儀御史四序班

二俱候華蓋殿外序立禮部官跪奏方物鴻臚寺卿奏

執事官行礼導駕御座如前儀導駕官立殿內柱下東

西向侍班翰林中書立于東西導駕之後糾儀分立侍

班之下尚室官陳宝沆分立導駕之上鳴鞭後諸如前

儀萬壽聖節儀同但致詞異恭惟皇帝陛下萬壽令節臣  
某等誠懼誠忭敬祝萬二歲壽不傳制後改聖節云

按鷄人前代唯五更有之國初晚午二朝命臣下作十時鷄  
唱曲如卯時之呵曉日出卯照四表每曲凡三句知晚午  
二朝亦有鷄人之主之。

...

...

...

...

...

...

...

...



大祀慶成儀制

嘉靖七年定大祀禮成駕還百官朝服于承天門外橋  
南翔躬迎駕隨至奉天殿丹墀序立執事官預集華蓋  
殿丹墀候駕御座華蓋行禮奏請樂作如朝儀錦衣官  
傳鳴鞭鴻臚官傳排班鳴贊班四拜興贊跪鴻臚官  
丹陛中致詞曰公侯駙馬伯文武百官臣某等恭惟圜  
丘大報載成禮當慶賀致詞畢由殿東中門入殿侍立  
鳴贊三拜興四樂止禮畢鳴鞭駕還宮賜宴  
朝賀習儀正旦冬至於朝天宮聖節於靈濟宮前後三日  
通政司不奏事

進賀表目、親王各一通、各處掛印總兵官各一通、朝鮮  
國王一通、南京禮部等衙門一通、浙江等布按二司直  
隸府州等衙門各一通、南京中軍等都督府一通、中都  
留守司、江浙等都司直隸衛所衙門各一通、

衍聖公入賀聖壽萬曆七年待以賓禮不在文武職官  
之列不必朝恭。

正旦冬至命婦朝賀中宮儀、皇后御座預設宮中、內官  
陳諸儀仗于丹陛之東西、及丹墀東西、女官擎執香豆  
御座左右、陳女樂于丹陛東西、北向、設香案于丹墀南  
、設案于殿東門外、班首拜位於中道之東西、命婦拜位

于丹墀北向。司贊位於丹墀東西。司賓位於命婦班之  
北。東西向。設內贊二於殿內東西。命婦至中門外。司賓  
引入就位。女官具服侍班如常儀。尚宮尚儀詣內奉迎。  
尚儀奏請陞座。皇后具服出導從如常儀。樂作。陞座。樂  
止。司贊唱班齊。樂作。贊四拜。樂止。內贊唱進。贊引。贊樂  
女官前導。女官舉案由殿東門入。樂作。案至殿中。樂止。  
贊衆命婦跪。內贊唱宣。贊目。宣。贊女官宣訖。唱宣。贊展  
箋。女官詣案取箋。宣。贊女官宣訖。興。舉案于殿東。贊命  
婦皆興。司贊引。贊首出東階升。樂作。自東門入。至殿中。  
樂止。內贊唱跪。贊首跪。司贊唱跪。衆命婦跪。贊首稱某

夫人妻某氏等，茲遇如外朝敬詣皇后殿下稱賀。或司言女官代

內贊司贊同唱興，司賓引班首西門出，降自西階，樂作。

至拜位，樂止，贊拜，樂作，四拜，樂止，司言將旨由東門立。

丹陛兩傍稱有旨，贊跪，皆跪，司言宣旨，司制贊興，樂作。

四拜，樂止，尚儀跪奏禮畢，皇后興，樂作，還宮，樂止，引禮。

引命婦次出，洪武中，四品以上過節行，永樂中，止三品，著為令。

東宮親王宮中朝賀儀，御座乾清宮，引禮引皇太子子諸王。

及妃，贊四拜，興，贊禮引皇太子詣上前，与引禮合贊跪，皇。

太子稱長子某，恭遇云，謹率諸弟某，欽詣父皇陛下，稱。

賀，前後贊俯伏，興，贊復位，四拜。中宮稱母後改不致辭。

午朝御門 景泰  
中定

上御左順門、先期內官設御座、案設稍南、文武各官俱  
於左掖門內候駕出、內閣五府六部奏事官、六科侍班  
官、俱於案西序立、侍班御史二、序班二、將軍四、俱於案  
南北面立、鴻臚寺鳴贊二、於案東西面立、錦衣衛鴻臚  
寺堂上官于奏事官班、以次面東立、管將軍官并侍衛  
官立將軍之西、通政司官引奏事三、法司官照例隨班、  
衙門有事者、分管答應、鴻臚寺鳴贊奏事畢、上興、各官退、萬  
曆三年、准午朝記注起居、史官四、於御座西稍南立、

起朝儀

凡遇各廟忌辰、上服淺淡服、御奉天門或西角門視事、  
不鳴鐘鼓、各官俱服淺淡服、烏紗帽、黑角帶、朝參、其謝  
恩、見辭、官公服如常儀、永樂中、不行賞罰、不舉音樂、禁  
屠宰、宣德中、免引囚奏事、弘治中、不許服紵絲紗羅、如  
遇節令、許服青綠、遇奏祭祀、許服紅。

諸王外戚朝見儀

諸王大朝行八拜禮、常朝一拜叩頭禮、若尊行便殿行  
家人禮、面向坐、受皇帝四拜、坐則皇帝南面、尊行仍西  
面、皇后父見、君臣禮、皇后見父母、行家人禮、皇后父  
母、面向立、皇太子東向、四拜、答兩拜、受兩拜。

定燕饗儀

凡宴饗、和聲卽四人、搃樂舞二人、執麾立樂工前之西、傍二人、押樂立樂工後之西、傍殿上陳設畢、和聲卽執麾由西階升、立於御酒案之左右、二人引歌工樂工由西階立于丹陛上之西、傍東西相向、舞師二人執旌引武舞工立于西階下之南、又二人執翽引四舞工立于武舞之西、東階下之南、又二人執翽引四舞工立于武舞之西、南俱北向、引大樂二人執戲竹、引大雅工陳列于丹陛之西、上將出、伏動、大樂作升座、樂止、上進第一爵、麾動、唱奏起臨濼之曲、引樂二人領歌工樂工詣酒案前北

面重行立定奏畢。偃麾。押樂引衆工退。第二爵奏開太  
平之曲。第三爵奏安達業之曲。第四爵奏削羣雄之曲。  
第五爵奏平幽都之曲。第六爵奏撫四疊之曲。第七爵  
奏定封賞之曲。第八爵奏大一統之曲。第九爵奏守承  
平之曲。上進第一次。膳麾舉唱奏飛龍引之樂。大樂作。  
食畢樂止。偃麾。第二奏風雲會之樂。第三奏慶皇都之  
樂。第四奏平定天下之舞。第五奏聖明之樂。第六奏撫  
安四疊之舞。第七奏九重歡之樂。第八奏車書會同之  
舞。第九奏萬年春之樂。九奏三舞畢。上興大樂。作入宮  
樂止。



三年春正月、詔入朝五品以下官員、俱立丹墀左右。

上以躬行郊社、拜位中正、而百朝官恭、咸避蹕道、謂臣之事、君與君之事、天有異、吏部尚書崔諒曰、社升自子陞、南面答陰、郊升自午陞、北面答陽、朝非答神之義、禮應升自外陞、有詔百官左右相距不二尺、省府臺臣用道、拜謁、但不得直行甬道。

三月中書省請殿膳用樂、不許。

夏六月、詔以前代宴享樂章、率諛悅不稱、命禮臣更定九奏樂章。

秋七月、命刑部侍郎李以初、僉都御史張構、與閣門使觀

察使同侍朝班備顧問隨事規正

四年禮官崔諒請定外官慶賀禮以武臣為班首尋詔行  
禮于藩司班首以品秩序都司無寔授者以都指揮使寔  
授正二品者領之

五年春三月重定官民相見禮

先是元俗凡官僚相見輒跪一足以為禮拜則以叩頭  
為致敬既拜復跪一足屬官下人見上司官長既為禮  
即引手于後退却若避之然上即位之初輒行禁止至  
是復飭之

秋九月十有八日萬壽節止弗賀

上每歲此節齋居素食不受朝賀時高麗國遣使上表  
賀貢其所產并賀皇太子千秋詔來年勿賀禮部議此  
日遣祭壽星及司中司命司民司祿之神從之

十五年春正月朔上御奉天殿受朝賀賜宴用更定九奏  
樂章

十九年賜有司官朝覲每盤費鈔一百貫在任柴炭鈔五  
十貫又定引錢為堂食費

二十年萬壽節受朝賀宴羣臣于奉天殿皇太子宴國戚  
暨東宮官于文華殿

二十三年以有司公宴擾民定例布政司給錢官鈔一千

貴。府州縣以都司衛所有無為差。

二十六年夏六月、重定朝賀宴享之禮。

凡大朝賀、教坊司設中和韶樂殿內之東西、北向、陳大樂于丹墀之東西、亦北向、上興、中和韶樂奏聖安之曲、升座、進寶、樂止、百官拜、大樂作、拜畢、樂止、進表、大樂作、進訖、樂止、宣表、自致賀訖、百官俯伏、大樂作、拜畢、樂止、宣制訖、百官舞蹈、山呼、大樂作、拜畢、樂止、駕興、中和韶樂奏定安之曲、導駕至華蓋殿、樂止、禮畢、凡大宴、享、教坊司設中和韶樂于殿內、設大樂于殿外、三三五、裸隊于殿下、駕興、大樂作、升座、樂止、文武入殿、內外北向拜。

大樂作拜畢樂止進御筵樂作進訖樂止進花樂作進  
訖樂止上位進一爵教坊司奏炎精間運之曲樂作內  
外官拜畢樂止散花樂作散訖樂止第二奏皇風樂作  
飲訖樂止進湯鼓吹響節前導至殿外鼓吹止殿上樂  
作羣臣湯饌成樂止武舞入教坊司請奏平定天下之  
舞畢出第三奏眷皇明樂作進酒如前儀樂止教坊  
司請奏撫安四彝之舞第四奏天道傳進湯如前儀飲  
畢奏車書會同之舞第五奏振皇綱進湯奏百戲承應  
第六奏金陵八蛮獻寶進呈第七奏長楊採蓮隊子承  
應第八奏芳醴魚躍于淵承應第九奏駕六龍飲畢收

爵進湯、進大膳、樂作、供羣臣飯食、訖、樂止、百官隊舞、承  
應、宴成、撤案、羣臣出席、北向拜、樂作、拜畢、樂止、駕興、大  
樂作、鳴鞭、百官以次出、  
侍班、頌、詔、勅。

傳翰林講讀二員、早先入至中左門、與象職事官進華  
蓋、殿直舍內、行五拜三叩頭禮、起、先出東門、循殿臺而  
下、出中左門、沿斜而上、入殿、至樂懸處、立、俟駕過、升座、  
乃入班、立寶桌之前、斜儀御史之右、此為侍班、禮凡頌、  
詔、敕、內閣捧立寶桌之北、俟禮部尚書請上頌、詔、乃稍  
南、移數步、俯授之、尚書跪受以出、朱字傳帖者、奉天門

朝罷司禮監持下丹陛。次日，誥衙門導奏。鴻臚官接入。墨字傳帖自順門付誥衙門奉行。不復面繳。若事款須執事者，不論朱墨。

羣臣候朝。洪武中，令羣臣履屨入。

每早未朝時，諸大學士分坐翰林直房之北楹。諸學士居中楹。其餘居南楹。三鼓俱赴左掖門候。內閣直門東向立。諸學士立稍後而南。講讀等官又後稍南。給事中、立講讀等官之後。北上。通政、太常、光祿、太僕、順天府諸堂上官，又聚立給事之北。說謊牌之下，皆東向。御史北向立於中書之南。六部堂上官立于棕蓬之下，蓋皆離。

立禁勿比成化中賜內閣兩連椅以椅又賜漆床衾  
褥三副以便休息夏秋朱筠簾冬春紫氊簾皆司設監  
辦各官將奏事例先喚一聲每不約而同聲殷若雷俗  
謂之打掃其有疾喚不可忍者許引退自便宣德中嘗  
勅曾子榮喚病免其常朝成化中尚書馬昂陪徑廷以  
喚作退殿門外講畢入同行禮

二十八年詔賜文武百官鈔令宴于醉仙樓

先是命工部作十樓于江東諸門之外以接四方賓旅  
既而又增五樓

有鶴鳴詠歌鼓腹來窻久之習為常忌  
重譯等名醉仙其一也



廢賜鈔宴樓之制。

三十年申明百官相見之禮。

百官以品秩高下定尊卑。其品秩近者相見東西對。稍卑者居西。其品秩相越二、三級者。卑者居下。尊者居上。其相越四級者。尊者坐而受禮。卑者有事則跪白。其司屬官分垂亦跪白事。凡近侍官員不拘。此例然。不得與外官交接。同僚官員即有高下。不拘前例。大小官員于內府相見。不得跪拜。出入街道。卑者不許抗禮。軍民人等不下馬罪之。

頒慶賀謝恩表箋。成式于天下。令如式錄進。後獨公侯伯。

謝恩出自臨時、撰文書啟皆直陳、不用四六辭。

建文二年正月、郊之明日宴慶成、羣臣賦詩、詔頒示天下。

永樂元年夏四月、萬壽節、命禮部頒定百官與宴位次。

駙馬儀賓及隨侍各王來朝官、宴于三公府、四品以上

文武諸學士及在京僧道官、大興隆寺住持、宴奉天殿。

在京各衙門堂上六品以上官、近侍官、脩史官、宴于中

左門外、進貢官、四彛朝貢土官、宴于中左門、餘文武宴

于丹墀之內。

秋八月、禮部言鹵簿中宜有九龍車一乘、先朝舊有金鉦

紅鼓、鮑燈等器、請增製、詔以元舊、勿襲補其缺者。

冬至節命禮部官吏人等預宴賜鈔如例。  
三年冬十月、禮部進冕服鹵簿儀仗圖上曰、此祖宗成憲  
永為式。

四年春正月、上御右順門、晚朝畢、召六部尚書近臣、諭以  
午後事簡、宜從容陳論、勿以持晡。虞朕倦于聽納。

又云、朕每四設神清、衣冠靜坐、料事得宜、朝退未嘗入  
宮、徧覽奏牘、偶及經史、即宮中事多、亦俟外朝事畢、方  
與處分、日以為常。

七年春正月、賜元宵節假十日、定為例。

自十一日始、百官朝參不奏事、聽軍民張燈飲酒為樂。

十年上元節聽臣民赴午門外觀薰山二日尚書夏原吉奉其母來觀賜鈔二百錠

十一年端午節幸東苑奉太后觀擊球射柳聽文武羣臣回葵朝使及在京耆老聚觀命儒臣賦詩賜宴及鈔帛有差

十八年都北平更定燕宴禮儀樂舞

仁宗初立諭鴻臚寺視朝後諸司有急務不得面陳者具本奏奪辱至以私恩私事瀆擾非法嚴飭之

洪熙元年春正月上御奉天殿朝羣臣不作樂羣臣止行五拜三叩頭禮間目固請如大朝儀上曰山陵甫畢事何

忠遠即言

宣德二年冬十二月、賀春宴、職卑者賜以鈔、謂之節錢、

五年春二月九日、萬壽節、上詣奉先殿、行禮、皇太后前上

壽、畢、乃出朝、受賀、文武羣臣、應賜宴者、光祿寺給宴物、永

為例、時臣寮燕會、尚用歌妓、後都御史顧佐奏止之、禁嚴

凡朝會、百官俱赴朝天宮及靈濟宮習儀、上曰翰林習

可不赴、至成化中、汪直酷詞察翰林、遂不敢不至、獨內

閣與東西兩房免

六年、萬壽節、賜少師蹇義、少傅楊士奇、楊榮、禮部尚書胡

濙、內庭宴

正統二年秋九月早朝鐘既鳴有京衛指揮張勝等八人  
潛坐闕右門謫邊衛

三殿新成上御正殿受賀鴻臚誤呼五拜糾儀劾之上  
笑此言衣少拜不可多無害免議

冬十一月萬壽節表各三司堂上官躬進其正旦冬至遣  
首領所屬佐貳官代遂為例

景泰元年上皇萬壽節方北巡禮部尚書胡濙等請羣臣  
望朝于東上門詔免

是時京師罷交賀禮

天順元年嚴朝禁勅左順門闕者不得擅入總兵官

諭常朝第二鼓先啟外門官軍旗幟威儀入列鐘鳴朝  
官次進不許縱放無牌面人員穿朝出入及攜帶器物  
違者罪之

五年五月十日賜文武觀走解于後苑萬壽節適值冬  
至奏改制詞是後冬至正旦宴不舉

禮官以兩節致詞各異且聖節例不傳制冬至例傳致  
請改制詞為律應黃鐘日當長至恭遇萬壽云云然後  
以冬至制詞傳答其各王府及諸在外文武衙門應有  
二表擬合宣曰所逢長至恭遇聖誕云云

成化四年冬十月吏部等衙門尚書等官俱于朝失期蒙

切責

八年冬十月、正萬壽節、以皇太子薨、分止在外諸司表箋之、入賀者

十五年、萬壽節、杖言事、吏科給事中王瑞

瑞言天下布按二司進表官皆方面重臣、乞令各陳所見、通民隱、坐、紛擾錦衣衛杖之

十六年上素病、古溢凡御前准行例用是字、上苦之、馮臚卿施純獻照例行三字于近侍、上大喜、立躋純、禮部尚書

弘治三年、刑部侍郎彭韶請于朝、左順門惟讓經國要務



九年秋七月三日萬壽節却賀。

上嘗問內侍諸朝臣前夕從事或有私會將若何內侍曰卜夜遂諭城中大街逐鋪懸燈便往返。

正德十六年御史何棟違誤侍班詔獄謫常熟縣丞。

嘉靖元年春二月詔以正德末年朝儀多廢命礼部察復舊例明示諸司。

礼部奏定朝參諸儀凡進班啟奏復命及齊戒忌辰令節予告日期以及御史鴻臚官面糾疏糾各體。

二年春正月免慶成宴。

六年大學士楊一清等請如古礼辨色入朝君日出而視。

之。或遇大風寒，暫免著為令。

八年，詔巡按御史不得以非理威劫郡縣。知府謁見，用長揖。

十三年，萬壽節，賜大臣長春酒。

十五年，賜百官端午宴于奉天殿上，侍兩宮，泛舟西苑，觀走解諸伎。

令大學士李時、尚書夏言、武定侯郭勛、預候崇智殿，以舟從，脩頤問，賜文席綵索牙扇等物。自芭蕉園、歷玉棟、金鰲橋，至澄碧亭，賜御膳，已復宴于無逸殿。

申飭南京科道迴避之例。

南京禮部尚書霍韜以科道不遵三品以上相遇迴避舊例請申飭科臣爭之謂近侍之臣不當迴避襟引公會尚書同列以證之詔從韜議韜又言科道賀聖節六拜尚少四拜不敬詔以拜表時已行十二拜禮不問二十八年嚴朝參牙牌之禁

凡牙牌有執事供事朝參之別然朝參例得常懸其外事過繳納時冒領溷帶者多詔皆逮問而以尚寶司所存舊牌另給

隆慶元年春正月之七日免朝十一日復傳免朝言官魏時亮諫留中

官員相見禮。自國初定官員平等止行兩拜禮。既尚左  
公侯左。駙馬右。一品官見公侯駙馬。一品右。品官差一級  
者居右。差二級分上下。差四級尊者受拜。卑者跪白。屬官  
品雖亞亦跪稟近侍。官不許與外官交接。遇內府大小官  
不許跪拜。王府將軍與駙馬儀賓。公侯相見將軍居左。與  
諸文武見將軍居中。四品以下將軍坐受跪拜。給事序坐  
書衛。居御史之左。凡鎮守總兵官。原伯爵以上。坐。僉都御  
史之左。凡總督提督。僉都御史以上。居左。  
迴避儀。自國初定。一二品遇公侯駙馬側立。公侯與駙馬  
各分路。三品遇公侯駙馬迴避。過一品側立。二品右讓。大

率差三級迴避。二級側立。一級右讓。文武一品至三品遇  
王府將軍駙馬儀賓公侯側立。四品以下迴避。凡內官遇  
駙馬迴避。遇公侯一二品側立。三四品公行。不論大小官  
凡奉差無迴避。

儀從例。弘武中。公十人。侯八人。伯六人。一品至三品六人。

四品至六品四人。七品以下二人。其役使婢僕。公侯之家。

不過二十人。一品十二人。二品十人。三品八人。下更差在。

京。五品分導一人。六品下不許引導。出郊在外。如制。京官。

出外。四品以上導三對。錫樂鋼在外方面亦三對。四品二。

對。魚七品以上一對。八品九品竹篋一對。樵職不導。



郊社諸神上祇下祗

吳元年分建國立方丘于鍾山之陰陽夏至祀皇地祇

洪武元年春正月祀天地於南郊祭馬祖於後湖

位天地於壇之第一成南向各玉一幣一犢一各籩豆  
十有二簋簋二位大明夜明于壇之第二成星辰社稷  
太歲歲鎮海瀆山川城隍分壇之東西各幣一犢一各  
籩豆十簋簋二其迎神燔柴奠玉幣進俎三獻飲福受  
昨撤豆送神望燎瘞各行再拜禮樂舞未詳

二月中書省李善長傅瓛翰林學士陶安等集議冬至祀  
天於圜丘以大明夜明星辰太歲從祀夏至祀地于方丘

以五嶽五鎮澤四瀆從祀。其祀大社大稷于春秋二仲之上。戊詔從之。

仲春之上戊、上親祀大社大稷。賜羣臣享胙于奉天門。

設東西位、南面。大社左、大稷右。下后土西向、后稷東向。

配之。各用玉。西却幣黑色。犢一、羊一、豕一、籩豆各十。實

以形藍、鳧魚、栗、榛、菱、芡、鹿脯、白餅、黑餅、豆、寔、以蕪、韭、醢醢、青、俎、鹿醢、芹、藟、兔醢、笋、藟、魚醢、胙、折、豚、胎、如數。

簋、簠各二。寔以黍、銅三。寔以和羹。后土后稷皆同。但不用玉。

各設酒尊三于壇之東者西向、西者東向。寔以泚齊、祝醴、齊、盞齊、祝

二亦東西列。各壇爵六。皇帝散齋四日、致齋三日、陪祭。

執事官同。預設大次于社稷門之西、南向。列御座于壇。



皇帝皮弁服詣大次省牲視鼎鑊滌溉有司陳設如儀  
日晨起臨大次太常卿奏中嚴皇帝入就位贊禮唱迎  
神協律即舉麾奏廣和有司謹具請行事皇帝再拜皇  
太子下咸拜贊禮云奠玉帛皇帝詣盥洗位播圭盥悅  
出圭詣大社神前麾舉奏肅和皇帝播圭上香奠玉帛  
出圭再拜興次詣后土次詣大稷后稷並如前儀復位  
贊禮云進俎麾舉奏凝和奠俎亦如前儀贊初獻皇帝  
詣盥洗位播圭滌爵拭爵授執事出圭詣酒尊所播圭  
執爵受汎齊授執事出圭詣神位前麾舉樂奏凝和舞  
武功皇帝跪播圭上香祭酒奠爵出圭祝官跪讀祝皇

帝俯伏興再拜次各神如儀亞獻酌醴齊樂奏豫和舞  
文德終獻酌盞齊奏熙和舞文德獻畢太常卿奏飲福  
受昨皇帝詣飲酒位再拜跪播圭執事官跪進福酒太  
常卿贊曰惟此酒釀神之所興賜以福慶億兆同沾皇  
帝受爵祭酒受福酒以爵反于坫奉昨官跪進昨皇帝  
受昨授執事出圭俯伏興再拜大稷如之復位贊撤豆  
麾舉樂奏雍和掌祭官各撤豆贊送神麾舉樂奏安和  
皇帝再拜九拜皇太子以下咸拜各執事取祝及幣及牲饌詣瘞  
所置于坎內皇帝詣望瘞位寔土至半太常卿奏禮畢  
于是駕還大次解嚴大社祝文曰惟神德司坤厚品物

由生。歷代國家。精崇祀典。予本庶民。舉兵討亂。得土得  
衆。建國紀年。是以遵依古禮。設壇歲祀。于今初祭。不敢  
不以情告。大稷祝文曰。惟神奉若天時。茂我百穀。神化  
無窮。歷代昭著。后土祝文曰。惟神分山川。高下於始。世  
樂生民。于至今。水土之功。人何敢忘。后稷祝文曰。惟神  
奉天之道。因地之利。播糗百穀。闡脩農事。歷代崇之。

冬十一月。祀昊天上帝于圜丘。

迎神曲。奏中和。奠玉帛。奏肅和。奉牲。奏凝和。初獻。奏壽  
和。舞武功。亞獻。豫和。舞文德。終獻。奏熙和。舞文德。撤豆。  
奏雍和。送神。奏安和。望瘞。奏時和。諸盡如南郊初禮。特

分祀二丘異

十二月兩壇置屋。風雨望祭。申議武。臣不得代攝奠獻禮。陪祭官刑喪等項有禁。立旗纛廟祭蚩尤以霜降日。

二年春正月詔定驚蟄秋分日。祀太歲風雷諸神。清明霜降日。祀嶽瀆諸神。

迎神樂奏中和奠帛奏安和。初獻奏保和。亞獻奉肅和。終獻奏凝和。撤豆奏壽和。送神奏豫和。望燎奏熙和。

封京都及天下城隍之神。命翰林撰制文。頒之有司。以時祭祀。新官赴任。必先謁神與誓。祈在陰陽表裏。以安下民。天下城隍之神。封號在京都者。為承天鑒國司民昇福。

明靈王在北京者時開封府為承天鑒國司民顯聖王

于臨濠府為承天鑒國司民貞佑王太平府為承天鑒

國司民英烈王於和州為承天鑒國司民靈護王于滁

州為承天鑒國司民靈祐王以上皆正一品其外府為

鑒察司民城隍威靈公秩正二品外州為鑒察司民城

隍靈祐侯秩正三品外縣為鑒察司民城隍顯佑伯秩

正四品京都袞冕十有二章諸王公九旒九章侯伯七

旒七章其邊豆等儀率以是為差

三月上躬祀先農以后稷配

迎神奠帛並奏永和進俎奏雍和三獻奏壽和撤豆送

神奏永和望瘞奏太和

遣官祭馬祖先牧馬步馬社之神

命都督孫遇儼等分祭天下嶽鎮海瀆之神人各賜冠帶  
及衣二襲白金十兩米十五石

上御奉先殿躬署御名于祝文禮部進香并祝授使者  
百官送至中書省使者過發貯香黃金盒黃縑幡二白  
金二十五兩辦祭具牲用太牢幣各從其方之色東嶽  
祝文曰惟神磅礴英靈恭贊化育位于東方為嶽之首  
歷代帝王咸敦祀典或躬臨而奉祭或遣使以伸忱朕  
允膺天命肇造丕基禮宜躬祭今國治未同新附未撫

或居以治國。或出而視師。是用命使。以表朕衷。惟神鑒  
之。西岳曰。惟神氣應金方。靈鍾允位。奠于西極。屹立觀  
。長物養民。功被于世。南岳曰。惟神祝融諸方。奠彼南  
服。崇高峻極。德配離明。長物云。北岳曰。惟神鎮并臨  
代。峙立朔方。終始陰陽。德著悠久。養民阜物。功被寰中。  
中岳曰。惟神崇高攸宅。此中區。四岳依宗。羣山環拱。  
養民云。東海曰。惟神百川朝宗。溼育深廣。靈鍾坎德。  
潤衍震宗。滋物養民。功被于世。于西海曰。惟神灑靈所  
鍾。道里遼遠。坎德深廣。潤衍允方。滋物云。南海曰。惟  
神環茲粵壤。物鉅靈鍾。坎德深大。離明斯配。潤物云。

北海曰。惟神玄冥攸司。遐邇莫即。鍾靈坎德。奠位陰方。  
潤物云云。江瀆曰。惟神岷蜀發源。浩渺萬里。朝宗於海。  
坎德靈長。潤物云云。河瀆曰。惟神發源崑崙。亘絡中土。  
配精天漢。坎德靈長。潤物云云。淮瀆曰。惟神源深桐柏。  
演迤楚甸。出雲致雨。潤物養民。坎德靈長。澤被于世。濟  
瀆曰。惟神沈浸覃懷。功配三瀆。流澄蕩濁。坎德云云。東  
鎮曰。惟神鎮彼瑯琊。羣山所仰。宣澤布氣。育秀鍾靈。生  
物養民。功被于世。西鎮曰。惟神作鎮沂陽。羣山云云。南  
鎮曰。惟神作鎮會稽。羣山云云。北鎮曰。惟神鎮彼平營。  
羣山云云。中鎮曰。惟神鎮彼霍邑。三晉所瞻。育秀陽靈。



奠茲中土。生植庶物。功被寰宇。上命鑄之于石。仍賜守  
祠白金十兩。時北岳尚祭於曲陽縣。循宋舊也。  
夏至祭皇地祇于方丘。

正壇第一成。設皇地祇位。諸儀悉如圜丘。但用玉帛皆  
黃。第二成。設五岳位。居東次。四海次。五鎮次。四瀆位。用  
純犢一。岳鎮帛五。海瀆帛四。各以其方色。改望燎為瑤  
瘞。儀與社稷同。祝詞曰。臣荷眷佑。戡定區宇。為億兆主。  
今當夏至。萬物咸亨。敬以玉帛犧牲。粢盛庶品。備茲禋  
瘞。用伸昭告。迎神曲奏中和奠玉帛奏肅和奉牲奏凝  
和初獻奏壽和舞武功亞獻奏豫和舞文德終獻奏穆

和。六舞文德。撤豆。奏雍和。送神。奏安和。望。瘞。奏時和。禮成。還駕。率百官詣太廟。以牲齋告祭。還御奉天殿。百官行慶成禮及宴。

秋九月。遣官祭司中。司民。司命。司祿。及壽星。為中祀。于廟門之外。

詔定前五者為中祀。每神祭用羊豕各一。共用太牢。一司中。祝文曰。惟皇上帝。降衷於民。神實司之。均其稟性。予統臨天下之初。肇脩祀事。重念兵興以來。損傷者甚衆。神其體天之命。多產淳良。以厚天下之俗。予司命曰。乾道變化。各正性命。惟神正直。司其善惡。予統二同一神其

順天之令。賞善罰惡。使下民知所勸戒。于司民曰。上帝好生。育此下民。億兆之數。神寔司之。予統云。神其布天之德。正直是與。于司祿曰。天生百穀。以養下民。惟人之祿。神寔司之。予統云。神其奉天之道。俾予年穀豐登。生民咸遂。于壽星曰。天有賞罰。神寔司之。惟神正直。善良者必增以壽。兇暴者必減其美。故上帝任之。歷代之所崇祀。予統臨天下之初。考諸舊典。敬脩祀事。惟神無私。以鑒余祭。以體上帝之命。蓋壽星舊有祀。司擊此尋廢。

冬至祀圜丘。奉仁祖淳皇帝配。定祭器用磁。惟遵如舊。

上帝位于壇之第一成。配位在東西向。光三日。上諸仁  
祖廟。告曰。惟我父母。德應上帝。實生眇躬。今代前王。統  
理天下。為億地主。已經二載。凡兩天記地。以功業未就。不  
即舉行配天之禮。今疆宇既廣。民生稍安。敬用今月之  
十有四日。恭祀昊天上帝于圓丘。謹請皇考作主。以配  
伏惟鑒知其祀天之儀。仍如南郊。但配位不用玉。其昊  
天祝文曰。嗣天子臣某。敢昭告于昊天上帝。日當長至。  
六氣資始。用遵彝典。敬率臣庶。以玉帛犧齊。粢盛康品。  
奉茲燎祀。皇考仁祖淳皇帝。配神作主。仁祖祝文曰。孝  
子皇帝臣某。敢昭告于仁祖淳皇帝。日當長至。六氣資

始。今率臣僚。恭祀昊天上帝。謹以玉帛犧齊。粢盛庶品。用脩祀典。伏唯敬慎。瞻天永為配主。

三年春。定春分朝。日于東郊。秋分夕月于西郊。鑄嘉鐘。

禮臣奏日月從祀非古。乃用特祀朝日壇于東門外。高

八尺。夕月壇于西。高六尺。俱方廣四丈。兩壇各二十五

步。燎壇方八尺。高一丈。神位以松栢為之。長二尺五寸。

闊五寸。趺高五寸。朱漆金書。朝日以春分迎神。樂奏熙

和。奠玉帛。奏保和。初獻。奏安和。舞武功。亞獻。奏中和。終

獻。奏肅和。舞文德。撤豆。奏凝和。送神。奏壽和。望燎。奏豫

和。夕月以秋分。星辰祔祭。迎神。奏凝和。撤豆。奏壽和。送

神望燎。奏豫和。熙和。諸如朝日。

遣使往安南高麗占城祀其國之山川。記板稱御名。

上齋戒。親為祝文。是日臨朝。授使者香幣。香貯以金盒。

幣一文。綺幡二。皆隨其方色。祀版上親署御名。給白金。

二十五兩。具祭物。使者入。賜白金十兩。及衣服。命各國。

圖其山。用摹錄其碑碣。圖籍付使者。還勒石紀其事。其。

略曰。朕賴天地祖宗眷佑。位臣民之上。通者占城高麗。

安南。遣使奉表稱臣。境內山川。悉歸職方。故具牲幣。遣。

使往祀諸神。以昭一視同仁之意。

合祀太歲。四季月。將風雲雷雨。嶽鎮海瀆山川。城隍旗纛。

諸神古無繁雲以雲而祀始自明

初分神祇專祀于國城之南至是合建天地壇西凡設位十有九太歲四季月將為第一次風雲雷雨次五嶽次五鎮次四海次四瀆次京鄂鐘山次內外山川一江一西一湖廣一淮東淮西一浙東浙西一福建一廣東一廣西一海南一海北一山東山西一湖南湖北一北平陝西一左江一右江一安南高麗占城次京都城隍次六轟大神旗纛大將五方旗神戰船金鼓銃礮弓弩飛鎗飛石陣前陣後諸神各壇上親自行禮官奏祝文太歲以下五位上親署各稱臣其鍾山以下上稱予者宜令禮官代署上皆親署後遣官代祭上服皮弁服御奉天殿降香中嚴待祭畢

獻胙回奏解嚴還宮

四年春三月夕月於西郊禘祭周天星辰至八月罷禘祀別祭周天星辰祭靈星

六年夏五月定祈報春秋神位有事則設之告祭

春祈秋報十有五壇中太歲風雲雷雨五嶽五鎮四海為五壇東則四瀆京畿山川春秋二季月將京都及府城隍為五壇西則鍾山甘肅山川夏冬二季月將旗纛諸神為五壇有事告祭則益以各省山川凡二十八壇若親祀每壇犢一羊一豕一彘豆各十盞盞各二登一鉶二酒盞三十帛黑白二色用酒尊一十五其春祈祝



文曰、惟神主司民物。恭贊天地化機。發育有功。今當一  
歲之初。農事將興。謹以牲醴庶品。用伸祭告。所冀風雨  
以時。年歲豐稔。百物咸遂。軍民皆安。秋報曰。今農事告  
成。謹以牲幣醴齊。粢盛庶品。用伸報祭。餘同春祈。後不  
果行。

八年二月、詔外、曩山川、祀祭於各省山川之次、歲遣侍御  
官監其事、

祀事同壇、分東西、如廣西祀安南占城真臘暹羅瓊里、  
廣東祀三佛齊爪哇、福建祀日本琉球渤泥、遼東祀高  
麗、陝西祀甘肅、柔耳、烏斯藏、

夏四月、皇太子攝祭、皇地祇於方丘

天下山川神祇俱更設登一、銅二、每位增設酒掌、岳鎮海瀆俱十五、天下山川神祇俱三十

始制值祭縣牌

牌以牙為之、有二式、圓者與祭官佩之、方者諸執事佩之、非牌不得入祭所

秋七月、詔定五祀之禮、牲用少牢、官四品以上得祀、中雷門、灶、五品以下祀、門、灶、著為令

初、用歲暮享太廟、特五祀、並列于廟之西廡、至是定孟春設壇于皇宮門左、祀司戶、司門、主之、孟夏于御廚祀

司灶、光祿、官主之。夏季于乾清宮丹墀祀中雷。內官主之。孟秋于午門之左祭司門。司門主之。孟冬于井祀司井。光祿官主之。四孟與太廟同日。季夏于土旺之日。冬十一月議郊。社祭壇。脫寫之禮。

先一日設御幕于壇東南門外。門西為脫寫之所。執事無不從。即協律樂舞。無不跣襪就位。

定祀山川諸神。上親行七壇禮。餘令功臣分祀。

九年春正月。定王國祭祀之制。奉祠所許置典樂一人。

王國宮門外。左立宗廟。右立社稷。社稷之西立風雲雷雨山川神祇壇。又西立旗纛廟。其社稷仍立望殿。以虞

風雨山川壇建二殿一以棲神一以望拜其社主用鍾  
山石王之國載以行其五祀司戶行禮以門官司灶以  
典膳所官中霤以承奉司官司門亦以門官司井亦典  
膳所官東海燕齊皆祭東嶽鎮齊魯皆祭西海秦蜀北  
海晉

祀先農躬籍田禮以後列朝每即位一舉籍田禮

城外東南立先農壇以仲春吉日行躬籍禮其正祀迎  
神奏泰清初獻奏壽清亞獻奏豫清終獻奏熙清撤豆  
奏雍清送神奏安清

十年改太原城隍為晉國城隍之神各省亦皆更定

十一年春正月、建大祀、殿合祭天地于南郊、奉仁祖配命、倪國達等分獻日、月、星辰、歲、鎮、海、瀆、凡一十七位。

正殿三楹、天地俱南向、仁祖配位西向、丹陛之東為天  
明壇、西向、夜明在西、東向、兩廡為壇、各六祀、太歲、風雲  
雷雨、岳鎮、海瀆、天下山川神祇、陳設如舊儀、但配位用  
蒼璧、太歲、風雲雷雨等酒盞各十、東西廡各酒尊三爵  
一十八于壇之南、皇帝致齋五日、前二日、太常光祿官  
詣壇省牲、至日、奠玉帛、進俎三獻、先上帝、次地祇、次仁  
祖、餘悉仍舊儀、祝文曰、嗣天子臣某、敢昭告于昊天上帝、  
后土皇地祇、時值孟春、三陽交泰、敬率臣僚、以玉帛

儀齊。案盛庶品。恭祀于大祀殿。備茲燎瘞。皇考淳皇帝配。禮畢。詰旦。駕還御奉天殿。百官行慶成禮。賜宴。

二月。合祀大社。大稷于闕右。罷勾龍與契之祀。奉仁祖配。更定七奏樂章。

社稷共為一壇。設木主而丹之。仍有石主埋壇之下。壇二成。在午門之右。上廣五丈。下如土之數。而加三尺。崇五尺。四出陛。築以方土。而覆黃土其上。主崇五尺。露其末于土上。外壝墻崇五尺。東西十九丈二尺五寸。南北如之。設靈星門於四面。外垣東西六十六丈七尺五寸。南北八十六丈六尺五寸。通靈星門三門之外。為祭殿。

以虞風雨六楹。又北為拜殿六楹。又有神廚六楹。神庫六楹。宰牲房四楹。中為滌牲池。一井。一先。二日。上詣奉先殿告配享。大社東。大稷西北向。仁祖配位在東。西向。祝文曰。惟神贊輔。皇祇發生。嘉穀粒我。蒸民萬世永賴。時當仲春。禮嚴告祀。敢以玉帛牲齊。粢盛庶品。備茲瘞祭。

夏四月遣官以牲禮勅問安東、沐陽二縣。無祀鬼。

先是永嘉侯朱亮祖奏二縣野夜持炬者。每數百。特傷之。

十四年更定外府州縣祀典。通令文職長官行禮。武臣不

與

先是武臣初獻、文臣亞終獻。至是著為令。遣攝亦然。後漸變制。竟以公侯駙馬代攝。及各衛置學。益任武。

十八年春正月、重定王國山川之祀。

惟樂迎神奏廣清望瘞奏時清異。

二十一年、增脩大祀殿、附祀于丹墀、分東西二壇、為日月星辰、又內墻之外、為壇二十、東西相向、為五岳五鎮四海、四瀆風雲雷雨山川太歲諸神、祗并附祀。歷代帝王、建文元年春二月庚辰、大祀天地于南郊、特奉高皇帝配。永樂十八年、燕京凡郊祀諸神、一如洪武之舊。惟正殿添。



設一地祇位。列天壽山、于鍾山之右。奉太祖高皇帝配。

元年郊社諸神俱奉。太祖太宗並配。用春秋仲月上

戊之日。

天順中。上以風雷山川等壇在城外。擬勛臣代攝。閣臣

李賢不可。上親其事。

成化元年春二月。祀先農。行耕籍禮。

壇在山川壇之南。上便服。乘耒於籍田。行三推禮。

三返在具

中。戶部尚書奉青箱以隨。耆老四人。二馭牛。二鞠躬。按

黎。執教坊樂工。執綵旗。夾隴謳歌。一唱百和。風旗而行。

三公九卿助耕。公五推。卿九推。各耆老傍牛而行。畢事。

宴教坊呈應用田家故事開國以來耕籍禮始備  
弘治五年春正月宜郊上病諭少間躬之二月中旬乃克  
舉事

嘉靖二年以卿范拱議擬更定五嶽侍郎倪岳以為非便  
不果行

尚書為文升議北岳宜祭恒山祭曲陽縣非是

九年春二月始祈穀於南郊祀先蚕又行特享祀漢南北  
郊朝日夕月之制諸如高禘先醫句龍后稷靡不畢舉  
時製園丘祭器及龍床御案求紅黃玉為爵不得

郊上先期習儀宣大學士恐禮部尚書時于幕次曰有誤

處即以聞

及禮成祀高禩祈嗣

十一年祈嗣地祇壇祠祭天下山川

十七年夏六月大享上帝于太極寶殿以本生皇考配

初命建大享殿擬作明堂宋祀皇考以配上帝工未成  
乃權行配典于太極寶殿有司以鐘磬琴瑟殿隘不能  
容請借用祈穀樂器不許遂列樂器于左右四間樂舞  
在陞

十八年上巡狩至興都享上帝于飛龍殿奉皇考睿宗配  
二十四年詔諸祀典一如洪武舊制

朝日夕月之制。洪武初定二十一年罷。嘉靖九年復定。分  
東西郊。西東向。于春秋分日俱用太牢。玉禮三獻。舞八佾。  
惟朝日樂七奏。夕月六奏。從祀二十八宿。五星。周天星辰。  
俱南向。用太牢。定甲丙戊庚壬年為朝日。丑辰未戌年  
為夕月。皇帝親之。餘年文武大臣攝祭。祈穀之制。歲驚  
蟄。祭上帝于南郊大享殿。用駢犢蒼玉禮三獻。樂九奏。  
舞八佾。凡祈雨亦如之。去玉。秋報禮。禮官夏言請行于  
大祀殿。以文皇帝配。大雩之制。數壇于郊北之傍。雨暘  
不若。遣祭之。否。親禱焉。大享禮。行于南郊大饗殿。上帝  
南向。與玉配。禮如南郊。大享殿即大祀殿。專以尊皇考睿序。遂升

太廟藏主原寢。太社稷之制。國初異壇同壝。尋齋宮  
皆。洪武十年改建午門外惠廟中。太祖配。仁廟。燕太  
宗配。嘉靖中寢二祖配位。仍以句龍后稷配。帝社稷之  
制。壇在西苑。幽風亭西壝。陞主如太社。稷仲春秋上戊  
之明日。各太牢一禮三獻。樂六奏。舞八佾。神祇壇。即國初  
山川壇。在天地壇西。嘉靖中改叙雲雨風雷。其太歲月  
將旗纛城隍別祀之。太歲壇。十二月大禘之日。遣官攝  
祭。牛羊豕各一。禮三獻。樂八奏。舞八佾。從祀四季。月將之  
神。東應春秋。西應夏冬。四壇。一太牢。先醫之祀。初用  
仲春冬上甲日。遣太醫院官祭。用少牢。嘉靖中建三皇廟。

于太醫院並祀之。先春之祭。嘉靖中創制。郊壇。皇后主祭。公主內外命婦陪祀。春。擇日。皇后內執事皆致齋。春官令陳祭物。樂女生陳樂器。至日。皇后肩輿出西華門。升重翟車。女官奉鈎筐前行。皇后易礼服。拜跪。瘞奠。飲福。受胙。易常服。詣采桑臺采桑。三公命婦五采列侯九卿命婦九采。春成。內命婦一人行三盆手禮。遂布于織婦。獻織于蚕。官令高禱之祭。亦嘉靖中祈嗣行之。鼓木臺于皇城永安門北。震方。皇天上帝南向。駢犢蒼璧。與王配。牛豕羊各一。臺下作壇。為高禱座。西向。牲如臺上。禮三獻。樂九奏。舞八佾。皇帝位壇下。北向。后妃位壇南。數

十丈外、北向。用惟壇下陳弓矢于韜。如后妃墳之數祭

畢、女官尊后妃墳高楹前、代神人授之。人受而納于弓

韜。金海嘉靖中祠于大內西苑湧泉亭後。仲春秋上

壬遣太常卿以少牢祭司海水府司舟三神。即西海子古積水澤處

青龍之祭。在阜城外三十里。祭弘濟大青龍神。靈顯小青龍

神。仲春秋遣順天府官少牢祭。弘熙中、名其山曰翠微。旗纛廟

初礼尚簡。至是、中秋旗手衛官祭。霜降日祭教場。歲暮祭

承天門外。用少牢。永樂後、期望有神旗之祭。專祭火雷之

神。機營提督官請祭教場。牛羊豕各一。有大征討。皇

帝親行禡祭。省牲視滌。礼三獻。奏樂飲福。受昨望燎。刺





謚典

洪武初謚法猶有古意。美惡兼行。皇太子標薨。冊謚。畧曰。先王之典。生既有名。死必有謚。雖在至親。不敢廢。尔皇太子標。在儲位二十五年。不。理庶政。禪贊寔多。遵古從公。謚曰懿。天德以名。載行。因謚頭。朕何敢私。

魯王檀薨。礼臣擬謚。頓有浮溢。上以其諱死。殺曰。朕不。以私廢公。其謚曰荒。是後諸王之謚。率從下擬。

初。定制。皇帝崩。上謚。率十六字。摠以一字。皇后用十二字。從帝謚。從以一字。後嘉靖中。改加高皇帝二十一字。皇后十五字。

親王謚一字。王妃二字。皇妃。東宮。東宮妃。郡王。功臣。謚俱  
定二字。後皇妃或用六字。四字。文武妻。妻死節者。六謚二  
字。文臣。初無謚。即特恩。非例。如劉基。王禕。皆建謚。公主無  
方孝孺。亦後人私謚。謚。仁廟以愛故。謚悼簡。世廟以郭勛請。謚公主。以貞懿。  
皇后謚。初不以孝例。至仁廟。皇后孝恭。始以孝字。冠十  
二字之上。以後。貴妃。以子貴。祿。僭用孝字。至世廟。之本。主。祖  
母。亦追用孝字。蓋乖莽殺之宜。即擬漢行。却在后謚。礼良不  
言。蓋此非例。

明無追謚三代者。惟開平王常遇春一人。謚其曾祖莊簡  
祖安穆。父靖愨。

建文中、謚懿文皇太子元妃為孝康、永樂中、革、後武宗母張氏  
遂謚孝康、和光追復太子妃為后、謚  
仍孝由張皇后  
為孝康

讓皇崩、駙馬都尉梅殷在軍中、從黃彥清之議、為發喪、遂謚  
孝愍、而歸神宗、壬午之後、謚不行、和光中、顯皇帝廟號、復  
追尊政惠宗、殷謚榮定、

建文帝復號、謚讓、係和光中追補、皇后及皇太子、諸王、亦皆  
補謚

彛王謚自高麗國王顯、洪武中、予謚恭愍、古麻刺國王幹、刺義  
亦敦、永樂中、謚康楨、勃泥國王麻那惹加那、乃謚恭順、朝鮮

國王李旦謚康獻。世有謚。日本國王源道義謚悼信。龜祿國東王巴都葛以苦刺謚恭定。

文臣有謚。永樂中自太子太師姚廣孝大學士胡廣始。歷朝乳母封慈。自永樂中始。以特恩封。氏保聖夫人。謚賢順。仁廟有金氏封相聖。謚恭忠。楊氏封衛聖。謚莊靖。宣廟尹氏封衛聖。謚忠靖。李氏封佐聖。英廟張氏封佐聖。謚恭靖。李氏封佐聖。謚忠靖。閻氏封輔聖。謚莊懿。憲廟李氏封相聖。後未詳。天啓中客氏封奉聖。統福列帝惟太祖孝宗無之例。清明中元冬至太常官禴祭其墓。

洪熙中特恩謚故東宮。又通改使賀報謚不美。上曰。銀

勞宜從贈官例。惡謚不如無謚。竟不謚。

代宗景皇帝。成化中謚止五字。景皇后。正德中。亦謚止五字。和光中。補廟號。五謚。五如例。

成化中。追論大學士陳文原謚。莊清不合。乞改惡謚。追奪原謚。不果。

弘治十五年。定謚親王。薨行撫按。覈寔。郡王。故行本府親王。以下官覈寔。其文武大臣。例行兵吏二部覈寔。定上中下三等。總送翰林院擬請。孝廟崩。太后諭閣臣。天子孝。須用佳謚。礼臣恭遵太后慈旨。上尊謚為敬皇帝。而以孝字為廟號。閣臣曰。孝為百行之首。敬為萬善之源。

嘉靖七年、以工部尚書李燧謚恭敏、不稱、并贈官革去。  
十四年、大學士字敬請謚莊肅、皇后只宜二字、或四字、尚  
書言爭之、大學士請用八字、都御史迂相吏部侍郎齟齬復  
爭之上、止許二字、尋又加四字、明年以諸臣請仍十二字  
如例、禮官又以悼靈白后不合、詔改定孝潔。

十五年、禮部尚書夏言為故大學士費宏請謚文憲、吏部  
侍郎霍韜以言增減名實、法當坐斬、且憲字犯茂陵廟號、  
言曰、昔晉文、衛武、魯成、齊康、楚宣、秦穆、不為文武成康宣  
穆諱、本朝宋濂、黃福、劉大夏、謚忠宣、是犯宣字、許進謚恭  
毅、是犯毅、皇楊守陳、章懋、儲璫、謚文懿、是犯懿、祖若翰言、

宜若何。韜語塞言求去。上慰留不問。

十七年。上尊興王。稱宗祔廟。特詔從唐增謚例。加謚太祖及文皇帝。升太宗曰祖。私便廟祔興王為九廟。仍尊興王為睿宗。謚曰欽。天守道洪德。淵仁寬穆。純聖恭儉。敬文獻皇帝。

二十二年。掌太醫院。禮部尚書許紳等請謚。禮臣難之。上必謚之。曰恭襄。從前院判將用文院使袁賢例。

二十七年。言官趙鉞追論禮部尚書費家謚文通。故總兵卻永謚隱懷。二人行履無聞。宜弗謚。上曰。謚法非專稱譽。今後定擬。務合公論。都御史林俊奏刑部尚書彭韶謚惠。

安不合宜另給不報

四十五年罪臣原少傳大學士翟鑾仍給祭葬與謚

隆慶元年補謚新建侯王守仁曰文成

萬曆四十五年禮臣遵五年請謚例列上應謚四十四人  
下部行

弘光初立科臣李清請追給開國李善長耿炳文諸謚善

長曰襄愍炳文曰武愍奪胡廣原謚與陳瑛惡謚并請贈

謚開國臣一十三人已贈請補謚一十三人靖難臣贈與

謚並請共九十人正德中慘死補謚一十四人周鍾忠愍

陸震忠定劉較孝毅何遵忠節孟春忠介李維賢忠端俞

廷瓚忠愍唐寅忠憲唐軾忠潔李翰臣忠毅劉平甫忠貞



林黼忠恪

張英忠壯 天啓中慷慨死 補謚一十人

左光斗忠毅周起元

朝瑞忠毅 周守建忠毅 王尊素忠端

忠惠繆昌期又貞周

忠毅袁化中忠愍萬燝忠貞 顧大章裕敏

按古謚所以尊名亦以跡行無爵則無謚已孤累貴不

為父謚儀禮言之矣 顧稱天以誅之誅者猶之手謚也

但稱天必有其制而後世不傳豈秦除謚法後遂空存

其名乎 唐制無爵者稱子其隱德上聞賜謚某先生明

三品以上乃得謚號無爵之謚遂絕又唐碑碣之制五

七品以上立碑若隱德亦嘗立碣明無爵不得立碑碣

亦不復夫易名之典原以存後世法戒而後世於至尊

加以累詞但示可法失其辭矣明於帝謚十七字於右

十三字。至欲減數字。以示不足。益非古美。在上者私尊。以為愛。在下者私請。以為榮。即何當於創懲之義乎。獨太宗之謚文也。當是三楊所擬。猶有義存。或曰侈之也。業不止武也。是不然。諱之也。武非所尚。其文足錄也。矯之也。其已甚。在武。故以文意。在言外也。倖之也。使非文。當純以武見也。頌太宗之不得下武。有說。太祖初以其類已。欲立之。即不果。志在是矣。載主臨戎。周之穆考。無此志。尚或誣之。不失為達孝有激而起。善建不拔。其猶繼志之善者歟。明之再世。與周之開國。君臣父子之間。得失蓋有差也。况文皇所為武功。犁庭者五。勝國之後。

不復振則正謚以武亦或得半焉其論金陵帝子謂多用文字弱不足任如是武其志也亦寔以事誠有不足諱者歟若教皇之廟號武則似有疵焉矣表記婦人隨夫蒙帝一字頗合但漢列帝皆以孝稱明諸后率以孝則何以故公羊謂妾不當謚而稱太后者率紀之則以僭為尊益不可解矣按帝后以字多為貴顧於諸王則一字東宮即王功臣皆二字然則帝之多謚似反賤之美既以一字為準則十六字十二字徒具文乎又歷朝群臣官由翰林者每多謚文文不以其官是翰林以外無文也何以信後世至於金忠名忠而謚忠王

文名文而謚文。所稱易名如在。

按歷朝乳母保母之有封謚。不自崇武。始于太宗。永樂中封乳母保聖夫人。謚賢順。仁宗有金氏封翊聖。謚恭惠。楊氏封衛聖。謚莊靖。宣宗有尹氏封衛聖。謚惠靖。李氏封佑聖。英宗有張氏封佑聖。謚恭靖。李氏封佑聖。謚慈清。簡氏封輔聖。謚莊懿。憲宗有李氏封翊聖。以沒皆有封謚。未詳獨天啓中。容村奉聖。疾福國。並無列朝。止太祖。與孝宗。無之。明中元冬。至遣太常官。前祭其墓。初。文臣不輕予。乃濫。其

婚禮

和武十四年、韓林院待詔朱善奏明婚禮。謂律所議尊屬  
卑初相与為婚者有禁。謂父母之姊妹與己之身。實上匹  
尊。誠為不可。姑舅兩姨子女。正所謂世婚。安得有禁。而江  
西西浙輒以祀制論。常致離異。請申飭之。報可。

天順八年、憲廟初立。遺詔百日之外。許行婚禮。南京侍郎章  
綸疏言。禮三年之喪。達乎天子。陛下當以孝道治天下。今山  
陵尚新。元旦未改。遽請大婚。竊為不可。請改期。明年春始行。  
不報。



喪禮

洪武元年、御史高原侃請禁娛屍。胡習詔可。自是大喪無樂。梓宮向山陵。大樂前導不舉。用亞扇。品官許用方相。五年、班孝慈錄于天下。先是、貴妃孫氏薨。禮部尚書牛諒言、孔麻母無罪。父在為母。非昔年。上以為不合。親定孝慈錄序之初。百官奔期。後除。和重。外。弗奔。二十三年、進之王希曾請喪改嫁母三年。不許。

凡斬衰杖三年。謂子為父母。庶子為其母。為繼母。為慈

母。

母卒、父命他妻養己者。

為養母。

自勿過房與人。

女在室為父母。女嫁大

歸為父母。嫡孫為高曾祖三代。父母承重為人後者為

所後父母為所後祖父母承重夫為人後妻從夫服婦

為舅姑庶子之妻為夫之所生母妻妾為夫共十條

凡齊衰期杖嫡子衆子為庶母其妻為夫之庶母為所

生改嫁母出母及所從改嫁繼母夫為妻共六條

凡齊衰不杖期父母為嫡長衆子及女之在室者女之

適人無夫與子者繼母慈母之為其子孫為祖父母女孫

雖適人不降為伯叔父母妾為夫之子為兄弟為兄弟之子

及女之在室者為姑及姊妹在室者妾為嫡妻改嫁母

出母為其子女在室及出嫁而無夫與子者為其兄弟

及兄弟之子及姊妹或侄女之未嫁者繼母改嫁為前



夫之子從已者為繼父同居而無大功之親者婦人為  
夫兄弟之子及女之在室者女出嫁為其父母妾為其  
父母為人後者為其本生父母女適人為父後之兄  
弟祖為嫡孫父母為長子婦共三十條

凡齊衰五月為曾祖父母女雖適人不降

凡齊衰三月為高祖父母女雖適人不降為繼父先曾同居今

不同居者為繼父雖不同居而兩有大功以上親者共三條

凡大功九月為同堂兄弟及姊妹在室者為姑及姊妹  
及兄弟之女之出嫁者父母為眾子婦為女之出嫁

者、祖為衆孫、女之在室者為兄弟之子婦、為夫之祖  
父母、夫之伯林、父母、夫兄弟之子婦、夫兄弟之女出嫁  
者、女出嫁者之為本宗伯叔父母、本宗兄弟及兄弟之  
子、本宗姑姊妹及兄弟之女在室者、為人後者為其兄  
弟及姑姊妹在室者、夫為人後為夫之本生父母、為兄  
弟之子為人後者、共二十四條

凡小功五月為伯林、祖父母為同堂伯叔父母、為再從  
兄弟及再從姊妹在室者、為同堂兄弟之子、為從祖祖  
姑之在室者、為從祖姑之在室者、為同堂兄弟女之在  
室者、為兄弟之妻、為人後者為其姑姊妹適人者、為嫡

孫婦為同堂姊妹之出嫁者為孫女之適人者為兄弟  
之孫及兄弟之女孫在室者為外祖母為母之兄弟姊  
妹為同母異父之兄弟姊妹為姊妹之子為夫之姑及  
夫之姊妹為夫之兄弟及夫兄弟之妻為夫兄弟之孫  
及孫女在室者為夫同堂兄弟之子及女之在室者為  
繼母之父母兄弟姊妹庶母為嫡母之父母兄弟姊妹  
母死則不服共三  
十條

凡總麻三月為族曾祖父母三從族伯叔祖父母三族兄  
弟及姊妹在室者族曾祖姑之在室者為曾孫公孫為  
同堂兄弟之孫及女之在室者為再從兄弟之子及女

子之在室者、為從祖之姑及從祖姑、及從祖姊妹之出  
嫁者、為兄弟之孫女出嫁者、為同堂兄弟女之出嫁  
者、為乳母、為舅之子、為姑之子、為兩姨兄弟、為外孫、女  
同、為婚、為妻之父母、妻已別娶、亦同妻  
為同堂兄弟子之婦、為同堂兄弟之妻、為外孫婦、二人  
為夫之高曾祖父母、夫之從祖祖父母、夫之從祖父母、  
夫兄弟之曾孫、夫之同堂兄弟、與其姊妹、夫同堂兄弟  
之孫及孫女、夫再從兄弟之子、夫兄弟孫之婦、夫同堂  
兄弟子之婦、夫同堂兄弟之妻、夫之外祖父母、夫之舅、  
夫之姨、夫之從祖之姑、從祖姑、其在室者、女出嫁之為

本宗從祖：父母、本宗從祖父母、本宗同堂兄弟之子  
女、本宗從祖：姑及從祖姑在室者、本宗同堂姊妹之  
出嫁者、為人後者為本生外祖父母、共五十祖在嫡孫  
為祖母不承重。

嘉靖十八年詔士庶喪各稱家為厚薄。巨家大族能以  
遵禮勸細民者有司量加獎可。

按古制父在為母服齋衰杖期。父亡乃如父服。唐武后  
改父在服母齋衰三年。相沿以乖。猶未用斬衰三年也。  
明不為存亡且及慈母養母庶子為其母則廢祖祀宗之義  
毀美獨祖在嫡孫不承重祖母以孝慈錄不載故忽之庶子

受秩封嫡母不及庶或以妻封移及此特恩非例至于嫡母  
在而庶亡亦服斬衰則大乖矣若夫出母不喪而况改嫁夫  
身之母咸以春秋豈先母後父相沿遺意未盡草歟

射禮

洪武三年五月詔行大射禮。上以先王大射禮廢。弘矢唯武夫習之。而文士不果解。命太學及郡州縣各學諸生。以時肄習。師生咸與從事。

四年<sup>詔</sup>會試中式後十日試騎射。

四年會於中。於十日。九月。陳。陳。

和。和。和。和。和。和。和。和。和。和。

為夫。醫。之。而。文。士。不。果。輸。命。大。學。及。時。以。辨。名。學。諸。至。如。  
無。先。三。年。正。月。臨。行。大。陳。以。上。以。其。王。大。陳。以。上。氣。符。天。如。

陳。陳。



御飲讀法養老禮

洪武二年行鄉飲讀法之令。

五年頒里社鄉飲禮讀律儀式并圖命有司及學官每

歲孟春冬替百家為一會。里長主席賓齒最高者居中。

坐定。選一人讀律。宣明戒飭。既畢行飲酒禮。拜則年倍

者坐受。長十年者立受。餘抗禮。

六年詔耆老入朝。崑山周壽誼居首。年一百六歲。賜宴及

幣鈔。誼生于宋景定之年。而鄉飲于明之是歲。子孫皆

有百歲。六世孫震以進士令鄱陽。諸士大夫為題世

壽卷。陸編脩子淵跋之。

八年復飭行鄉飲禮每都以大戶率士民于申明亭上  
讀律戒諭飲酒致禮  
十二年定致仕官居鄉禮三族黨敘尊卑宴則另為席  
不得以無官者上之與異姓同致仕者叙爵同叙齒無  
官者入謁不須答禮人敢有凌犯者如律

十四年重飭鄉飲禮吏部尚書余懌為之序府州縣長官  
主之鄉閭里社賢而長者主之年高有德者居上年高敦  
篤者次之仍序齒其違條犯法者列外座

十六年詔天下行養老之政九八十以上無過而貧者月  
給米五斗肉五斤酒三斗九十以上賜帛一疋絮一斤其

應天鳳陽二府七十以上賜爵社士九十以上賜爵鄉士天下富民八十以上賜爵里士九十以上賜爵社士許尉帶與縣官平禮並免襍役正印官歲一存問委生員禮送著為令仍詔舉七十以上經明行修煉達之士

十九年復申養老之令

二十七年許天下年高老人得評斷其鄉曲直

宣德中詔給天下民年八十以上絹布各一匹綿一斤肉十斤酒一斗米一石

天順中召京師民百四歲如大中入見便殿賜宴及冠帶龍衣命禮部尚書姚夔造賀庶民八十以上者賜冠帶

成化中羣牧所千戶朱政曾叔祖信一百六歲祖全一百二歲父鑄八十二歲現存三代皆以千戶致仕詔賜全鑄俱進階宣武將軍及羊酒米獨

弘治中吾州毛弼年百歲孫澄狀元及第詔為蓋人瑞狀元坊

歷朝設養濟院以惠無告設藥局以療民疾病設漏澤園以葬無主為養老之外三大政飯粥米初領于光祿寺內官主之後漸不繼

論曰古教養二大義教從小學始嗣就校序養則五十為始大略也太祖重耆老令五十以上者歲朝京師訪

問疾苦。有才能者。拔用之。感鵲卵。下羣臣親老。得婦養。  
隨念著民。跋涉勞苦。馳驛止之。自是斬衰喪母。恩崇  
本生。諸皆本此意。而推者。周道親之于明。為近之矣。



奏啓書札體附稱

洪武三年。禮部遵定。凡致書於尊者。稱端肅奉書。否則稱端肅奉復。敵己者。除端肅二字。上與下。稱書寄書。答卑幼與尊長。云寡書。敬覆其尊長。其與卑幼書。付某人某名。其歷朝御諱大臣名。及前代神聖堯舜禹湯文武名。并周漢晉唐宋國號。勿以為名。犯者更之。有明禁。是後官民吏胥等。除正名表字。應合公私身名于世。敢有更詭名字。及二三名字者。為人所發。伏誅。家人徙化外。家產給賞告人。歷朝臣民奏事。稱奏本。凡奏本必長楮。字必依洪武正韻。隨計字数于後。及改用題本。概從簡畧。然題本率由內衙

門為然。在外仍用奏本。于東駕稱啟本。列朝獨宣廟稱本為朱子。

內閣題本。用小揭帖。楷書斜摺。內封。外則可漏封。鈐文淵閣印。如外食官銜。則批出中書抄行。如不食銜。止稱臣某。則批閣下奉行。

凡上。兩下有十一詔。二詔。三制。四勅。五冊文。六諭。七書。八符。九令。十檄。凡下。兩上。亦有十一題。二奏。三表箋。四講章。五書狀。六文冊。七揭帖。八會議。九露布。十譯。

未墨帖傳行。凡朝罷。丹陛呼該衙門。與之明日。御前補奉。其墨字傳帖。則出自左順門。該衙門奉行。不復回繳。若事



執奏。不論未墨。

稱呼儀。國初稱大臣必以其名。間有示重者。不稱名。不為例。自英廟幼冲。以皇太后命。稱三楊為先生。然于各尚書。猶稱名。和治中。稱老尚書。于內閣。稱老先生。講官稱先生。內官稱閣老。為師父。凡御筆批荅。除內閣外。唯公侯之加宮保者。乃稱卿。餘但爾汝之。和治中。以吏部侍郎吳文定奏。稱卿。係破格。

元俗賤。宋官如吏。稱外郎。醫稱郎中。鑄工稱待詔。磨工稱博士。巫師稱太保。茶酒司稱院使。江南多沿習。國初厲禁。不更化。